

道光辛丑年鑄

學治一得編

眉壽堂刊版

官箴書集成 學治一得編

序

余自壬午釋褐後先後為宰者十餘年凡有關於吏治諸書公
餘之暇常時披覽藉資考鏡每就知交丐其所著如稟牘示諭
各條不拘一格但有裨於出治確為良法簡而易行者即擇錄
存奔行篋往往通變見諸施行日久裒集成帙因刊刻以公同
好未附舊存自著稟示數條不敢謂為治譜之書抑亦初試製
錦者一得之助耳道光辛丑七月靈石何耿繩

序

序

余同年友靈石何君玉民由道光壬午進士即用知縣籤掣陝西任褒城調渭南勤勤懇懇幅無華中丞盧厚山先生以循吏薦并入

計

典卓異未及赴部適以憂去官壬辰服闋謁選得直隸之定興縣地當孔道又值歉收之歲疲於供頓君獨經理裕如而民不累矣已夏調永年令時余攝篆與君為先後任一見如舊相得聆其言論半采恂恂有古君子風知不同於俗吏之所為矣甲午夏君擢大興京縣是秋余亦由寧津遷宛平同官畿輔朝夕過從每有商榷君無不虛心以納其德量尤不可及乙未秋

序

承辦

西陵大差大宛道段各有疆址地盤支應向不畫一君獨以余應事敏捷自稱不逮惟余言是從余亦不敢自外馳驅鞍馬之暇寧廬一燈相視莫逆如是者兩閱月追敘事有日君篋中已盡函馳取夫人奩物付之質庫猶不足余特假數百金以償之嗣余因疾乞假於上官而君旋得東路同知丁酉余起病仍回直隸補清苑首邑庚子遷務關同知辛丑擢守永平壬寅授大順廣道時君任東路已八年自視欲然益勤於治先是 齋勤海疆不靖余與君皆調赴海口防堵君駐寧河縣之北塘余守山海關隘相距七百餘里各司糧臺出納調和將帥撫輯軍民兩人

者常心心相印第君以誠格人余以智應物用不必同期於有濟以無負鉅艱斯已耳今年秋 就撫防撤予視事大名君適攝武安篆手出學治一得編示余余受而讀之有聞所已聞者有聞所未聞者疎而不漏簡而易行於初入仕版者示以製錦之規可不謂良上苦心歟且夫郎官上應列宿出宰百里苟非其人則民受其殃安得如君數百輩布滿天下與斯民休養生息為國家培元氣於久遠而吏治不衰也顧君即不能徧歷天下而此編一出使天下郎官人資攷鏡日計不足月計有餘庶幾西漢循良之風再見今日其有益於世道民生者豈淺鮮哉因不揣而為之序

序

道光二十二年歲次壬寅小除前一日江右年愚弟彭玉雲書

於大名道署之飲香書屋

擬稟五則 劉熱園觀察著

靈石何耿繩輯

一恭照

聖祖仁皇帝聖諭廣訓一冊敦孝弟厚風俗凡有關於世道人心者

無不至周極備地方官果能實力奉行剴切講解可冀民心正而風俗淳常見州縣每於朔望循例宣講率皆奉行故事照文讀過毫無發明聽者寥寥亦復置若不聞至於窮鄉僻壤終身不得與聞其說者比比皆是愚昧之見各州縣應就地方之大小村莊之多寡酌量捐刷

聖諭數百本頒發各鄉鎮村莊敬謹存貯祠廟諭令各於鄉黨中選

擬稟五則

擇通曉文義口齒清楚之人每月朔望以土音明白宣講州縣官於春秋農隙之際輕騎減從親歷四鄉督同講解不特可以化導愚蒙移易風俗並得與紳耆時常相見使知官長之慈愛與父兄尊長無異問悉民間之疾苦訪察地方之利弊庶與徒事具文者不同也

一州縣為親民之官必須以民事為已事認真體察確知利弊之所在然後見諸施行庶幾辦理得宜刑罰適中可期民心允服州縣莅任其玩視民瘼者無論已每有夙聞其地民情刁健書役疲玩預存一嚴加整頓之見並不察其因何刁健疲玩之由一味酷刻從事往往措施失當或任性武斷刁民

猾吏輒藉為口實架詞上控及核其是非之真上控者固多虛誣本官究亦不能辭咎原其初心則猶是為整頓起見而事已決裂不可挽回矣竊以為州縣莅任之初似不可預存成見過於嚴厲惟當虛衷體察地方民情諒訪利弊次第辦理擇其風俗刁敝最為閭閻之害者逐件出示剴切化導如有冥頑不靈罔知悛改然後繩之以法庶可冀民無怨言上下相安可以徐講化理矣

一辦理命案以屍傷為憑屍傷之下手情形當以親身細驗落膝初供為準蓋報驗之初兇手證佐人等未經訟師唆弄當時相驗精細屍傷既鮮有游移兼以悉心推鞠當不難得其

擬稟五則

真供若使曠日持久一經訟師唆弄犯供愈審愈游案情反多疑實迨至提省發審往往於原訊供情大相逕庭檢驗屍傷舛錯互異以致罪有出入者此皆初驗時或避真或輕聽不為詳慎辨認之所致也初任州縣公事既未能件件諸悉即難免不為人所欺朦相驗屍傷審鞠命案尤必平日留心講求臨事勿嫌煩碎慎之又慎猶恐錯誤况敢率意從事乎再命案內傳提人證以少為貴多傳一人到案徒為書差魚肉務宜斟酌而後傳之訊明後應取保者立時取保母任書差押累是又在忠信明決者之造福也

一捕快一項在各役內最為卑賤充斯役者大率皆係窮極無

聊之輩例給工食爲數無多不足以資養贍遇有呈報匪軍之案比則滿杖忍痛耐緝間有破獲重大竊案應行解勘者向來多係捕役賠貼解費是捕役爲各役中最苦之人而所辦又係賠貼費用之事似此利少害多而欲使之不察賊分肥不囑賊誣叛不唆犯翻供烏可得耶賊匪既爲捕役所養則捕賊聯爲一氣恣意妄爲無所顧忌此地方之所以報窮類仍終鮮破獲也烏以爲爲州縣者當平日細心暗查地方情形竊家住址賊匪來歷於賊供之中留心家賊姓名年貌踪跡隨手密記之設法鈞線查擊一面設立養捕比捕章程捕役每名每月除預給工食外酌賞給月錢月米以贍其

擬案五則

三

家如能破獲一案按賊犯罪輕重酌予賞資一切解犯所費官爲捐給勿令捕役賠累再將地方報竊案件立一總簿每月望日按卯責比毋稍輕貸如此明定賞罰之後捕役具有天良自必認真緝捕閭閻可期安堵第前項捐賞銀兩統年計算雖爲數不少然在地方官分所當爲只須服食起居間略知樽節便足辦此於公事有裨多矣

一 民間角細故原可平情理釋百姓初無涉訟之心多因訟師唆弄煽惑遂爾架捏虛詞牽連無辜混行呈告在訟師之意只圖營生拖累得以於中取利並不樂於對簿是以串囑書差多方捺擱道原告不願終訟情甘具息請銷而訟師之

慾壑未充又復從中箝制使之欲罷不能甚至有痛哭叩頭求其息事而不可得者故訟之一事實爲鄉民耗財之源訟師尤爲民間之害全在地方官聽斷勤明速爲審理使訟棍無所施其伎倆庶民困得以漸甦再於收詞聽訟之際剴切化導使小民漸知訟則終凶之理得息便息其有必須審理者則宜速而勿緩府縣出示編審案件實爲清訟之良法每逢農隙之際濶齊案卷逐件查核將與訊各案一體編列審期出示曉諭隨到隨審隨結毋使延擱如有兩造不願終訟者察其詞理無關緊要准取兩造息結銷案庶許訟可期漸稀民無延累之苦矣至於聚賭窩娼之事州縣境內在

擬案五則

四

所不免此皆大耗民財有闕風化之事尤宜不憚勤勞隨時明白曉諭切實化導倘有積慣窩留娼賭之家即當親訪明確嚴禁懲辦毋稍姑息以戒淫風

養捕比捕章程 劉然園觀察任平湖縣著

諭捕班各役知悉照得捕役一項專為緝匪而設平邑界連江省壤接海濱賊盜之多甚于他邑以至報竊之案不一而足破獲者甚屬寥寥推原其故皆因捕役得受陋規怠緩從事在賊匪有恃無忌以捕役為護身之符在捕役趨利如鶩以緝賊為養身之具於是串通勾結恣意妄為貽害閭閻莫此為甚更有因破獲重案解司解院需費不貲於是各存觀望之心亦在所不免本縣下車伊始洞悉弊端積習已深若一味繩之以法而不量為調劑不特于公事仍無裨益即該捕役等亦勢難枵腹從事今本縣捐廉設立養捕及比捕章程明定賞罰以期有

養捕比捕章程

五

案必破地方肅清該捕役等口食有資解費無慮自當各發天良認真緝捕以副本縣靖匪安良之意爾等果能破案即破本縣必然有獲即賞倘敢徂于積弊仍前疲玩惟有執法嚴懲并將該捕役等之家屬收禁并比決不稍為寬貸也今將章程開列於左

養捕章程

押捕總頭役一名 工食之外每月給飯錢一千二百文給米六斗
捕班頭役三名 每月每名給飯錢九百文給米五斗
坊捕十二名 每月每名給飯錢六百文給米三斗
管翼勇捕役 每月每名給飯錢六百文米三斗

每辦解院竊案一起 帶給盤費錢二十四千文
每辦解司竊案一起 帶給盤費錢十六千文
每辦解府竊案一起 帶給盤費錢八千文
如案內人犯名數眾多隨時酌量加給決不使捕役賠費一

比捕章程

坊捕名下報竊之案凡計贓二十兩以下者限一月內破獲二十兩以上者限二十日內破獲如違按月查比一次五十兩以上者限十五日內破獲如違按二十日查比一次計贓及貫逾實者限十日內破獲如違按十日重比一次

養捕比捕章程

六

坊捕名下遇有偷牛之案先行提責二十板仍限十日內破獲如違即照逾實例每日十日重比一次因農牛有關農作是以前嚴懲
坊捕名下如一月之內無報竊之案記功一次賞差一次兩月之內無案記功二次再賞差二次三月之內無案記大功一次賞差三次半年之內無案記大功二次再賞差三次仍賞銀五兩一年之內無案賞銀十兩細布袍褂料二件并賞給花紅以示獎勵
坊捕名下緝獲逃軍逃流一名記功二次賞差二次緝獲逃徒一名記功一次賞差一次如能破獲逾實及買并一切大

小竊犯者隨時酌量罪輕重從優獎賞其購線之費准該捕等預稟請給決不批駁每月十五日傳齊各捕查比一次若限二十日破獲之案仍按限稟比不在此例
凡遇發給內單緝捕之案至十日後有獲無獲責成該經承及押捕頭役各查稟一次如不破獲該承即一面送稟傳比不得徇庇延擱

發捕比捕章程

七

管見偶存

清訟源示

靈石何耿繩著

爲剴切曉諭以清訟源事本縣莅任以來凡遇民間詞訟隨到隨審向無積壓但查所控呈詞多因口角微嫌肇端構訟爾等愚民只知逞一時之忿不知一紙入公門官則據情出票差則藉票需索迨至當堂審結原被已受累無窮本縣即日勸業事與爾百姓割斷是非總難保無書差賤弊至有暗中延擱之件更有一種刁徒只圖准狀不圖審結藉以遂其拖累被證之計甚至經旬累月稟傳不到尤堪痛恨皆由爾百姓平日不知教管見偶存

八

化一味自逞鄉愚遂至奸僞百出無所忌憚爲此示闔縣軍民人等知悉凡人處一家之中宜孝敬尊長慈愛卑幼見義必爲見利必讓如我之伯叔是父母之手足我之兄弟是我自己之手足告伯叔者如傷父母之手足一樣告兄弟者如傷自己之手足一樣試思人卽至愚豈有自己肯傷壞自己手足之人如此一想可見家庭構訟大是不祥之事至本家同族當念先人一本之誼相處以禮讓爲先一切交涉事件須秉公同議勿有偏私以至爭競推至三黨親戚皆係休戚相關之人勿輕易便傷和氣致啟爭端卽同村鄰里皆朝夕見面之人亦當加意和睦遇事提攜偶有爭執總要從容解釋能讓一步能忍一分自

然便可無事本縣念爾百姓與其與訟守候不如無事安閒貧
者宜習於勤勞毋藉端圖賴富者宜居心寬厚勿刻薄待人各
守本分樂業安居此本縣所日望於爾百姓者倘有前項刁徒
希圖拖累之人經本縣訪聞或案經審實定當盡法懲治決不
稍寬爾百姓其曲體本縣保護爾等不過恐爾百姓身受擾累
不得各安生業流為不肖之意自示之後爾百姓果能互相誥
誠從此洗心滌慮勉為

盛世良民自然上召天和下徵人瑞本縣與爾百姓休養生息同
樂太平庶不負此諄諄訓戒之意爾特示

仰四鄉紳士生童以及鄉保等凡通曉文義之人將此示互
管見偶存 九

相傳解務使山僻居民咸與聞知毋得視為具文置之高擲

民間易犯科條示

為申明定例諄切曉諭事照得小民犯法由於不知律例而不
知律例由於未經見聞順屬州縣為首善之區民情本屬淳厚
但其中亦有良莠不齊良者心能向善自必恪守王章莠者妄
逞無知每致輕罹法網本廳莅任以來採訪輿情往往有無識
愚民廢耕廢買聚賭宿娼既無恒心亦無恒業日久習為無賴
因而尚氣打降釀成人命並有鼠竊狗偷流於盜賊通姦誘拐
竟成匪徒更有因口角細故聽信訟棍挑唆訐告無休甚至干
名犯義毆警尊長以及惑於邪教拜師傳徒凡此風俗人心之
害殊堪痛恨第不教而殺有所未忍茲特摘列律法數十條遍

管見偶存 十

示曉諭以儆刁頑而正人心為此示仰軍民人等知悉此後務
須安分守法革面洗心勿犯尊長勿習邪教勿效盜賊訟棍勿
萌兇念奸心父訓其子兄勉其弟賢者導愚善者化惡俾人人
均為良民本廳有厚望焉倘敢愆不畏法肆意妄為律條具在
國法難逃各宜凜之毋貽後悔特示

一子孫罵祖父母父母並絞妻妾有犯罪同如罵總麻以至期
親尊長分別問擬杖徒

一子孫毆祖父母父母皆斬殺者凌遲處死妻妾有犯罪同如
毆期親尊長分別折傷刃傷篤疾問擬杖徒流絞其總麻以
至大功亦有由杖罪加至絞罪之條如毆尊長致死又有斬

決凌遲之律

一傳習各項邪教如有謀逆重情不分首從皆凌遲處死正犯親屬男子斬決婦女緣坐財產入官

一傳習白蓮白陽八卦等邪教習念荒誕不經呪語拜師傳徒惑眾為首擬絞立決為從發遣充軍其紅陽教及各項教會名目並無傳習呪語但供有飄高老祖及拜師授徒者罪應發遣即雖未傳徒或會供奉邪神及收藏經卷罪充軍坐功運氣亦擬杖罪至真空家鄉無生父母從前林清教案因此坐問重罪尤不可犯

一軍民僧道人等妄稱諸曉扶鸞禱聖書符咒水或燭香聚徒

管見偶存

十一

夜集曉散並捏造經咒邪教傳徒斂錢一切左道異端煽惑人民首犯擬絞為從發遣並軍民人等寺觀住持不問來歷窩藏接引容留披剃冠簪至十人以上者罪應充軍鄰甲知情不舉擬杖

一平人鬪毆成傷罪應管杖如係刃傷及成廢並至篤疾則罪應徒流若至死罪應擬絞謀殺殺害又當擬斬

一兇徒因事忿爭執持腰刀朴刀順刀鐵槍弓箭並銅鐵簡劍鉞斧扒頭流星等項兇器及並非民間常用之物但傷人者俱擬充軍如回民糾夥共毆但有一人執械不分首從充軍一威逼人致死傷重者充軍傷輕者問徒私和人命者擬杖知

情隱藏罪人各減罪人之罪問擬

一強盜已行得財者不分首從皆斬殺人放火姦淫者斬梟白晝搶奪得財者擬徒罪多並有拒捕情形者分別問擬軍絞竊盜滿貫者絞三犯擬流積猾充軍窩藏強盜竊匪者充軍窩竊三名擬軍鄰右知而不首者擬杖

一盜民間馬驢等畜計贓以竊盜論罪如盜牛隻仍於本罪上加枷號

一盜田野穀麥菜果及無人看守器物者並贓准竊盜論罪一恐嚇並誑騙人財物者計贓准竊盜論分別加等不加等治罪

管見偶存

十三

一軍民犯姦罪應杖枷因而拐逃又應充軍夥眾強姦良家子弟並輪姦婦女首犯斬決為從絞候調姦圖姦未成分別枷號縱容妻妾與人通姦本夫擬杖婦女離異歸宗

一親屬相姦分別服制遠近問擬枷號充軍絞斬

一兄亡收嫂弟亡收弟婦俱絞平人買休賣休各杖離異財禮入官

一居父母喪及僧尼道士犯姦者各加凡姦罪二等治罪

一宿娼者杖罪如買良為娼並窩留娼妓者治罪分別徒流

一犯賭者枷杖開場抽頭者擬徒造買賭具充軍

一放火燒人房屋搶奪財物者斬決懷挾私仇放火燒燬房

屋者絞候如係空地間房及場園堆積柴草等物者滿流
一 犯無引私鹽杖徒越境與販充軍聚眾擅用兵仗拒敵官兵
殺入者斬梟爲從擬絞私販硝磺杖徒竊藏囤販及知情賣
與私販俱照私販例治罪硝磺入官合成火藥賣與鹽販以
及匪人者充軍鄰右知而不首者杖

一 積憤訟棍播弄鄉愚教唆扛帮詞訟者罪應擬軍誣告人者
加所誣三等治罪越訴者笞五十又訟詞只准一告一訴所
害必須實犯實證不准波及無辜及陸續投詞牽連原狀內
無名之人者一概不准仍從重治罪

一 栽種鴉片煙及買土煎熬售賣與販多次者絞候其知情租
管見偶存

給田地房屋之業主及知情受雇之船戶但在一年以外者
充軍一年以內者流半年以內者杖徒田地房屋船隻入官
吸食鴉片煙罪問絞候

吉

褒城地方情形稟

敬稟者竊以前在省垣奉諭回署後將地方情形詳晰具
稟仰見

大人勤求治理慮念無綏欽佩之餘謹就縣治地方大概情
形稟呈

靈壘伏查縣治東西狹而南北長東界南鄭西界沔縣北則
與留壩城固老林相接南則與四川南江廣元毗連東西
相距七十五里南北相距二百二十里東南距西北三百
二十里東北距西南四百二十里統計四鄉山居十分之
七東西鄉山原相間北鄉棧道跬步皆山南鄉自縣城至

管見偶存

吉

長寨平原二十里自此以南二百餘里皆崇山峻嶺其中
尚有未闢老林箐密林深相連蜀界且山中樵牧細徑處
處可通土人履行只如平坦前軍興時此路嘗爲逃溯淵
藪是一邑邊界扼要之地也至穀種所宜東西鄉平原種
穀麥山地種包穀北鄉山地瘠薄不產他穀則悉種包穀
南鄉自漢江以南至流淅河其中百餘里繡壤相錯多水
田悉種稻雖堰田渠田山塘田肥瘠不一而隴接隴連
特爲一邑膏腴之地 管約畧統計褒城水田有八萬餘
畝旱潦不齊豐歉牽算約收市斗稻米十二萬石麥收
約八九萬石黃豆菜子並雜糧三萬石包穀十八九萬

石每年約可得糧四十三四萬石計在城四鄉土著寄籍流寓客民共烟戶二萬五千八百餘戶共男女大小一十五萬九千餘口大小口產算每口歲需糧一石五斗共需口糧四十餘萬石故縣治境內豐歲所收僅能敷日食而不能有蓋藏幸有外省流徙工作貿易之人十分中可餘糧一分再者山內有洋芋蕨粉等類合包穀小麥磨粉亦可療饑無論年歲豐歉山民皆以為食又可省出穀糧糶錢以供油鹽布疋人情費用之需此山民日用飲食之艱難而年歲豐歉之所關甚鉅也居民土著者僅十之四五客民以川楚為最多廣東雲貴次之江西安徽西安同州

管見偶存

五

又次之士習民風俱為淳樸土著之民羸愚而知畏法客民間有桀驁健訟者然可以理諭之否則勢禁之亦無不悟惟距川省較近處往往有匪徒出沒其間或賭博縶縲或酗酒打降如囑匪所稱為紅鐵黑鐵者若遇歉年甚至勒索酒食估借強刁滋擾殆甚設稽查之不密懲治之不嚴則源源而來皆視為樂土安居而閭閻受害無窮矣職莅任以來遇此種案件無不從嚴懲辦此輩雖稍見斂跡而稽查嚴防猶不敢一日稍弛此縣治形勢土物風俗大概情形也職履任之初訪有地方積弊八條出示革除另錄附呈至民情風俗職察有應損其太甚者有應益其不

及者有當因其勢而利導之者有當杜其漸而預防之者猶當隨事隨時悉心體察見諸施行總期矢愼矢勤為有益閭閻之事以仰副

大人痾瘵在抱惠愛黎民之至意至縣治向無志書亦無輿圖職會就見聞所及計里開方刊有縣境輿圖併覽呈覽

管見偶存

六

整飭捕務並擬弭盜清盜稟

敬稟者竊賊接奉札飭內開照得賊非窩家隱藏無以托足窩非捕役包庇不敢容留欲清盜源必先破其窩家欲破窩家必先嚴飭捕役等因又奉札飭內開時屆隆冬正宵小竊發之時巡防緝捕自宜認真辦理近聞西向鳳乾各府州屬竊賊不時偷發而尤有攔路搶奪之事務須嚴比捕役訪拏窩家並於無卡房邊濶地方派役認真巡邏毋許賊匪匿跡倘有弭盜之方清盜之源條列所議以聞並將遵辦緣由先行稟覆等因仰見

大人軫念民艱勤求治理之至意稟遵之餘益深欽佩伏查

管見偶存

卑縣東西為驛站衝途商賈行旅日夜絡繹不絕難保無逃竄匪類混跡其中又渭河以北與大荔等縣接壤漢回雜處向不設立卡房盤詰實慮難周南鄉一帶百餘里深山僻谷加以種地客戶十居其五稽查尤當嚴密職到任之初即於向設頭二三各鄉捕役之中將其衰庸奸猾無能者革除數十名另選年力精壯緝捕勤能者總散役共有八十餘名分派於東西南北四鄉不時巡邏一有命盜案件仍隨時給予盤費懸立賞格令其上緊查拏每遇隆冬宵小竊發之時於十月初一日起次年正月月底止東西兩鄉各派勤幹捕班頭役一名散役四名南北兩鄉各

派頭役二名散役八名每名每日酌其路途遠近發給盤

費制錢三百文或二百文不等飭令分赴各鄉於腹裏邊界處所會同鄉約地保往來梭巡再任盜賊及形迹可疑之人停留藏匿再查稟縣四鄉村鎮向皆有鄉約地保原為稽查彈壓而設職到任之初逐一點查間有日久裁撤未經補報者殊為漫無約束又有數村公共一人者亦恐鞭長莫及職當即出示曉諭着各該村鎮認真選舉公正殷實之人充當鄉約地保每村二人不許一村不設其村鎮邊濶或戶口眾多之區皆酌量添設鄉保一二人數月之後即據陸續保送前來職親加點驗面飭各按交界

管見偶存

大

認真巡查凡有面生可疑行踪詭異之人即時盤詰驅逐又以聚賭包娼皆為盜賊之媒尤須嚴行禁止務使城鄉鮮游手之人宵小無容身之地方為不負委任當經出具認保各狀在案現值隆冬不時密差老成快壯四出訪查所有派出之捕役以及鄉保人等尚俱奉行不怠各村堡坐夜支更防守亦極嚴密閭閻甚屬安靜湖查稟縣道光五六年之中共報竊案二十四起職到任七八兩年之內共報竊案十一起是竊案近日較少而獲案仍只有三四又娼賭兇毆之風向來最熾經職嚴行查禁懲治近日其風亦覺少息而總未盡淨職正深焦慮設法查拏

適疊次接奉札飭所以諄諄教戒者皆整飭捕務查登盜賊之要道下益當恪遵指示各條飭諭捕役鄉地人等認真巡緝捕務期匪徒不至漏網良善得以安居以冀上副

大人視民如傷求治若渴之至意至奉諭條議匪盜之方清盜

之源職才識疎淺實切悚惶乃蒙

大人虛懷若谷採及芻蕘不敢不勉竭愚忱敬陳管見謹擬二條另摺呈覽尚求

大人俯賜裁成切加訓迪俾得所遵守除奏交員實為公便

管見偶存

九

因奉札飭合將遵辦緣由肅具稟

聞

一彈盜之方職以為首在嚴緝捕而尤在於未比捕先養捕蓋凡充當捕役之人大半家無恒產衣食不周亦有匪類畏罪悔過改業投充者其平日無事隨班聽差所領定例工食止可敷衍口食一經報案奉票出緝則工食斷不敷用若不量為調劑而一味繩之以法不特於公事無益其弊必至賣放賊人庇養窩家撥厥由來實以不能枵腹辦公之故是在各州縣平時除將應領工食按季給發毋短毋遲外及遇報案票差繕摺須計其

道路之遠近差限之遲速量給盤費復按賍數之多寡案情之大小酌立賞格使其當事無枵腹之虞獲案有格外之賞如此再不依限報獲則嚴刑以比之夫亦何憚不為本官出力而甘心犯法庇賊受刑聽比耶惟賞捕之資例無報銷必須捐廉辦理統計盤費賞項以及冬月長巡口食所需缺繁案多者每年約需銀七八百兩次者五六百兩再次者三四百兩似亦敷用州縣身任牧令每年用度正復不少若能於一身之車馬衣服飲饌少加節省署內之親賓幕友侍從量為裁減以所省無益之浮費貼補有用之公役庶期獲案日多報案

管見偶存

十

日少閭閻蒙福行旅獲安似亦牧令力所能及所樂為者故弭盜之方要在養捕也

一清盜之源職以為要在查保甲而尤要在慎用查保甲之人蓋竊盜之根總在窩家而與其擎窩家於破案之後不如慎用鄉保嚴查保甲除窩家於無案之先緣久慣竊盜之人藏匿鄉村其黨與既眾耳目必多一經獲賊到案窩家非聞風遠颺即寄賍滅跡不惟窩家查拿不到並已獲賊人之真贓確證亦不可得反致犯供身翻案情難定於公事實無裨益各州縣向立牌甲原為稽查戶口使匪徒不得匿跡而設若不慎選擇力鄉保

認真稽查僅於地方官道途所經勸諭所臨之地偶一點驗抽查往往官來則虛應故事官去則置之高擲仍屬於事無濟是必須慎選得力之鄉保專責以稽查戶口盤詰往來使窩匪無聚集之區宵小失遁逃之數方爲於事有裨但此等苦累招怨之役又係公正殷實者所不願充是在地方官剴切曉諭城鄉紳士商賈臨事爲議辦公費亦不令耗其已產事後爲之主持公道不令受人欺侮地方官亦祇任以稽查盤詰之勞而不苦以奔走下賤之役彼亦何憚而不應選趨公乎如此慎擇得人則遇事必能破除情面拒絕賄賂不致有狗隱

管見偶存

三

袒庇之弊使之驅逐爲屯絕盜之根禁止娼賭斷盜之媒總可期其得力地方官再於其因公求城之日隨時傳見或於公務之暇各按鄉鎮輪流呼喚來署每日或兩三起或四五起約計一歲之間可以傳喚周備識認熟悉每見則詢以地方之有無兇盜事端匪徒之有無出沒窩藏以及年歲之豐歉風俗之儉奢和顏悅色開誠布公使之有愛戴之意而無畏縮之情是蓋推地方官一人之心置於鄉保千百人之腹聚鄉保千百人之見聞爲地方官一人之耳目近搜遠訪旁勾互稽何患竊案之不被賊窩之不除也哉故清盜之源要在查保

甲得人也

以上二條謹就管見所及冒昧具陳抑尚有議者從來有治法尤貴有治人與一利卽思防一弊蓋官爲衆人矚目之身胥役乃時刻近官之人凡有舉動其間把持多端情偽百出臨事少不留意或任情偏執或心有游移一爲若輩所窺則則逢迎欺騙無所不至在州縣費盡心力原爲地方興利除弊起見行之不善反爲若輩開一營私肥己之門豈不可惜是在有心者隨人隨事體察防閑既須氣靜神恬不爲奸猾所惑尤須通權達變不爲迂執所拘所謂神而

管見偶存

三

明之存乎其人如此則捕役鄉保皆可爲我所用不至爲彼所愚駕馭之道得鮮有不收其效者弭盜之方清盜之源是否在此尙望大人切加指示不勝惶悚企仰之至

署規

諭閱署家人知悉本縣詩書門第世守儒風從不敢稍踰禮法自踰憲尤箠任以來倍加兢業從無假手家人倚為心腹縱令在外勾結索詐撞騙等事今先將謹飭誠樸之本懷宣示爾等並開明署內條規俾爾等先束身心再圖溫飽屏絕詭詐之念專存贊助之誠總期主僕之間安貼相依爾等為人服役原為餬口之計果能遵奉規條認真出力自必從厚給賞爾等之賢愚勤惰斷不致一律視之後開署規二十條各宜恪守倘有違犯不稍姑容爾等細閱之後或去或留其自酌量勿須勉強

管見偶存

一

一閱署家人各照派定執事謹慎管辦熟諳者愈當勤謹細緻初學者先求明白安詳無論公私大小事件俱不准由爾等做主必須立時稟明請示是非行止由我決斷我係初任州縣倘所見有不當之處爾等驥事者不妨各陳所見請示商定以期妥協免致錯悞但不得隱瞞絲毫任爾等草率行事其謹記之毋致久而擅專自取咎戾

一署內家人自以安靜勤慎者為最佳倘有串通書差瞞官舞弊或偷竄糧串差票或暗受原被賄囑以致抽換供結等事一經發覺定行認真究辦斷不袒護姑容爾等其慎之又慎各家人等許令互相查察如有弊竇立即密稟以憑查明處

治

一每早晚所收公文並各處書信俱須隨投隨送候我親自拆封不准家人擅自先行拆看

一閱署家人喫飯睡宿各有派定處所不准任意搬移互相爭佔廚房飯菜原不能十分豐美亦以日用有常理宜節儉即衣服鞋帽只須整潔樸實不失本分為佳如爾等不甘淡泊務即及早辭去斷不准任意奢華大肆割烹講究穿著倘有此種習氣縱使能事亦必不用爾等有則改之無亦留意切切

管見偶存

一

一署內家人及各色人等每日如有出署者管門家人必須問明往何處去作何事買何物何時回來將其姓名並出入時刻登記水牌每晚錄簿送閱其進署之人如係紳士須着束房問明官職住址即時傳帖請示或請會或有事不能請會須照諭稟房在外登答仍將門簿逐晚送閱不許遺漏草率即書差人等不奉呼喚亦不准擅入宅門至雜項人等須着把門人問明來歷回明後准否進署爾等候諭傳出不准擅先令其進署如有故違惟管門人是問

一閱署家人並各項人等俱不准三五成羣飲酒賭博或高聲談笑或吵罵打架或吹彈歌唱或放肆多言倘有違犯立時查逐尤不准吸食鴉片煙如有其人照例究辦

一 春冬二季每日寅正三刻發頭柳卯正三刻發二柳申初三刻發晚柳酉正三刻宅門上鎖夏秋二季寅初三刻發頭柳卯初一刻發二柳申正三刻發晚柳戌初三刻宅門上鎖管門家人派有專司啟閉者照此辦理不准參差

一 每日頭柳廚房燒水茶房煎茶各家人此時俱須淨臉辦事二柳以後門上查點本日案件數目傳喚書差飭齊各案人證伺候聽審如本日案件較多晚柳以後亦如早柳伺候一 凡有調取案卷以及催辦查覆等事管公事家人只須將我所發衙條送交門上轉發該承不准越次徑與書差交接設或事關重大情節周折自必將該書並家人喚齊候我當面

管見偶存

丑

諭話如有命爾等傳諭公事必須照話傳諭不准私自增減致有舛錯倘吩咐聽未甚明不妨兩次三番請示詳細再行傳宣勿恐厭煩但求安貼

一 每日所收呈詞標日閱後先行登號再行分別送批俟我核批後先將副狀過批對明一面即傳該房進署錄寫狀榜送閱過後發帖暫將副狀存內俟正狀過批登號後正副狀互對無訛再行分別發房所以先將副狀存署者專為狀榜迅速免人久候之辦法也所有呈詞仍立收呈批呈內號簿每日錄批每晚隨同各簿送標不得舛漏

一 每日審過案件無論已結未結管公事家人於收回卷宗時

務須眼同承行該房理清各卷內供詞結狀件數以免日久遺失致有推諉並防該書等竊取抽換之弊

一 每日除辦理堂事外所有判稿核批尋常日行事件管公事家人須按時依次送閱不得延擱悞其緊要之件隨有隨送不在此例

一 管倉家人如衝途管號辦差家人向係在署外喫飯住宿尤須安分辦公不得在外舞弊多事或勾串書差詐騙以及嫖賭或赴廟看戲上街閒遊等事有犯必懲不稍寬縱奉差出署者亦然

一 署中家人不准與書差人等交接往來或彼此請酒換帖或

管見偶存

寅

彼此邀留戲博如有違犯定行從嚴究治

一 每逢公出所有隨帶各項人役着門上預期開單聽候點派不得擅由書差私派如查有單內無名之人暗地隨往惟門上家人是問

一 跟班人等跟隨下鄉不准私向差役需索如有人給送食物必須當下回明請示不得擅行取用違者照素詐例究辦

一 家人出差他往無論道路遠近盤費多寡銷差時俱須開呈細賬不得以少報多尤不准買物孝敬

一 署內各色人等無故不得在辦公事家人房中閒坐如有不遵許管公事家人指稟

一 跟班中每日派二人伺候會客及坐堂一應內事派二人伺候差往署外差事並跟隨出門等事如衝途護送要犯及餉鞘或遇下鄉勘驗等事隨從家人臨時點派

一 無論新舊家人俱係量才器使並非偏向好惡其中間有一二未能深悉之人隨時察看好醜自必隨時更換斷不稍事將就所有每節應給賞錢文由門上經手存貯登記簿接三節結總呈閱由我開單派分不得任意爭鬧

管見偶存

卷

附錄

賑饑十二善 見荒賑上書

賑饑之法莫善於散米莫不善於施粥莫善於各里散米莫不善於城市籠統散米各里散米之善何如施粥止可及近地之人十里以外多不能及卽十里以內之人其臟腑筋骨已為饑餒所敗欲其晨赴夕歸力既不堪况竟日止此一粥而日奔馳往反兼之風雨霰雪道路泥濘卽使施粥不缺亦必轉填溝壑死於道路不少死於粥廠更多死卽理於粥廠并子孫亦無處處識認是饑民未必能活而父母之尸反失也孤死首卽物類且知何况人乎 至疲癯老弱之不能出而吃粥者又不必言矣散米則皆安居而受賑其善一黃粥必多人料理此曹或私

附錄

天

呢其親友寬假其傭僕必有破冑有偷竊或添水或宿餽種種諸弊又有柴薪器具等費計米一石饑民所食不過五六斗耳散米則一人之費可供兩人其善二城市遊閒無賴皆得積飽鄉愚瀕死之民安能與爭強者或數次重餐弱者或後時空返不公不均無從查核散米則按籍分給既無重餐亦無空返其善三一家有幾口吃粥必須齊出以致少年婦女出頭露面有志者羞泣可憐癡愚者習成無耻甚至執役之喪心越趨亡命之調笑揆撫事變叢生言之足令髮豎相驚相織因此散米則男人持票赴領而婦女得全其廉耻其善四然此猶小者也救目前之性命當救將來之性命目前之性命在口食將來之性

命在屢桑若施粥之法無論從前諸弊民不沾恩即使奉行盡善饑民人人受惠日日飽餐於城市中而早出暮還荒廢耕織散米則僅費一時之支領仍不曠逐日之工程農安於畝畝婦安於織紉無曠土無游民有無相濟則情厚死徙不出則俗淳其善五况饑民宜散而不宜聚宜靜而不宜動日喧鬧於市井污穢之氣最易蒸為疫癘何如帖然於村落間乎其善六賑民有不成疾者城市散米似可省舟車挑脚之費然鄉民走領數升之米往還過午饑腸難支必不能持歸炊爨不免於城市換餅餌粥麵聊以充饑而家中仍恐嗷嗷無食若各里散給則無是患其善七籠統賑施人戶難稽應領而不得領不應領而

附錄

无

或多領弊端叢生惟各里造冊自賑則鄰里熟悉真偽難欺必無不均不公之病其善八城市賑施必每日領給此則或五日一給或十日一給五日以下則太頻而勞十日以外則總給米多饑民恐有不知撙節者不可不為之限制也其善九所賑之米雖止數升然十日五日總給不奪其工其人仍作生活以佐益之則全家鼓腹矣其善十或疑此但救土著而不救流亡不知流亡中有刁猾強悍者小則為鼠竊大則為劫奪往往為害於地方况被災之處財力艱難飽一流亡必餒一土著夫此之流亡即彼之土著也但使各州縣各都鄙舉行此法各任其土著安得復有流亡即有流亡聞故鄉有米賑誰樂為流離異域

之人乎其必歸而就賑矣是不救流亡正所以救流亡也其善十一近有不救災之處流民羣聚鄉土捐米賑濟流亡者多見之地方其地之不能救而愈甚若行其德則彙集錢穀救赴被災者此亦濟人實德此法既行人不出鄉又可佐以興作之事各里中巨室長者或疏鑿或創造皆可以活人其里中公役則高鄉宜濬河浜低鄉宜築圩岸有產之家計畝稍出升合既以活人又可為已業無窮之利若當事推廣此義為力尤大其善十二然而以米代粥亦可以錢代米以米則有舟車轉運之資斗斛折閱之弊米色乾潮新陳好醜之別若以錢則不惟人均勻且可買麥豆雜糧價賤而穀多易於果腹或作小本營生兼可寬利度活是又在平當事之通融辦理矣

附錄

无

黃懲中日賑賑胥吏作奸貪者未必盡報報者未必盡給其報而給者又未必盡盡負有司摘其名貪民不沾惠請就里中捐一二大姓任其賑事稍立賞罰科條以勸戒之則無漏目損耗之弊尚胥吏不能為奸貪民即有缺漏易於自鳴可無難雜疑難而或成焉

育嬰堂法

其法聚資置大宅一所前設小門扁之男子不得入擇老成嚴毅之人守之凡貧家婦之肥健有子願為乳母者悉令攜子而居其中量給工食兒至即以乳之者為母聘小兒醫一人診視疾病設義塚一所有天者即棺斂瘞之另僱嫗之勤者三二人兒謝乳即令撫之一嫗可撫數兒所以讓後來之兒也乳母渾濁出堂其乳母與兒不願離者聽其攜去兒生五六歲視其質之高下而教之堂外另設一館延老成蒙師一人男子之秀穎者教之讀書愚魯者即令執堂中館中灑掃之役女子有端好者乳母為之纏足教之針黹蠶拙者亦

附錄

三

命執役男子過十歲不許入堂中願出堂者因才發友隨緣棲託不取身值女子不及笄不出堂門既笄則以嫁市井平民聘金稍具衣飾有餘歸堂中公用諸善信中推公正精明才能辦事身多暇日者總事凡男女之出入銀錢收用以及日用織悉之事無不檢點設櫃於門侯過往好義之人樂善而喜捨者一錢握米無不畢登規模既成善緣漸廣久久行之可以不廢此與天地參之大善也

揚州蔡璉建育嬰社募眾協舉其法以四人共養一嬰每人月出銀一錢五分遇路遺子女收至社所招貧婦領乳月給工食銀六錢逢月朔驗兒給銀考其肥瘠以定賞罰三年之

內聽人領養此法不獨恤孤又可濟貧凡郡邑村鎮皆可倣行為官司者循此化導各方利濟更大也

附錄

三

勸戒歌 山西長子令丁麗生先生文到著

示諭閭邑諸色人等知悉照得本縣蒞任伊始採訪士習民風甚為淳美即內有良莠不齊者亦不難以賢化愚同歸於善除地方利弊隨時訪次第示禁外誠恐爾士民人等視為具文慢不經意本縣編為勸戒歌詞刻板刷印遍給各村鎮懸貼語言淺近詞意詳明可諷可歌家喻戶曉俾地方不變成賢士良民是本縣所厚望焉開列十勸十戒於後

勸爾民要孝弟百行此為根本計常念親恩大似天手足情深須切記

附錄

能載福

勸爾民要力作三時勞苦充糞糞全家衣食可無憂偶遇荒年亦安樂

勸爾民要樹木盡將開地成林麓栽培不過十年間到處多材取用足

勸爾民要教子子肖自當家業起稍失防閑便破家萬頃田園何足恃

勸爾民要守分須把良心常自問士農工賈有專門不義之財有報應

勸爾民要睦族同為一本須聯屬倘因小事到公庭爾祖爾宗

都玷辱

勸爾民要和鄰居異姓亦相親偶然小忿須容忍勢孤同里作仇人

勸爾民要行善逢人到處行方便救災恤患是陰功勝滿陀千萬遍

勸爾民遵九勸淺近之言皆至論此事人人盡可行日望爾民如我願

戒爾民勿抗糧早完國課得安康莫待奏銷期限迫追呼連日到家鄉

戒爾民勿健訟小忿豈同仇不共訟得贏眾累已多那知能忍

附錄

常受用

戒爾民勿唆訟律法從來分首從收受先究主謀人新例加嚴不稍縱

戒爾民勿誣賴須知反坐罪名大縱逃國法有天誅到底害人還自害

戒爾民勿爭鬪逞強往往難寬宥試看世間克惡人輕則徒流重監候

戒爾民勿習匪雖善藏頭終露尾一經發覺定遭刑法網能逃會有幾

戒爾民勿誣騙鼓舌搖唇雖善變舉頭三尺有神明莫謂奸謀

人不見

戒爾民勿嫖賭無論被拘到官府廢時失業耗家貲因此便成破落戶

戒爾民勿奢侈唐魏遺風須繼美莫教從此漸紛華轉眼饑寒空到底

戒爾民遵九戒不肯奉持終必敗于言萬語括其中警傷時加心莫辭

附錄

叢

例案簡明

檢驗

靈石何秋輝輯

人命呈報到官即行檢驗當場全憑干証與屍傷然干証猶有扶同而屍傷則不容偽者報到即驗其屍未變其傷易見件作嗎報傷痕必須與兇器符合聽屍親看驗取犯認供令干証質証親驗無異然後填注屍格初驗詳審的確可免日後蒸檢

例載地方呈報人命正印官公出則移請鄰邑代驗或鄰邑亦公出或相距遠則許派丞倅等官代驗毋得派雜職濫派
例按簡明

者降一級然又一例戴州縣同城並無佐貳鄰封驚遠則亦准飭吏目典史驗立傷單申報印官覆驗又或距城為遠則並准吏目典史移會該管巡檢就近往驗申報印官覆驗如印官不能回再又請鄰邑代驗通詳事固無一定也
例載不准三檢違例者罰俸一年然亦有告三檢者取供通詳批准委員會檢尚無處分

甫入棺而求官覆驗不必詳明按此說非也即為日無幾屍未發變亦斷不可必須說明何傷漏驗何傷不符具結開棺如虛反坐據供結通詳候各上司批齊方可開檢
比委別官審理者所委官帶同伴作規詣屍所不得弔屍檢驗

保辜

凡保辜者先驗傷之重輕或手足或他物或金刃各明白立限手足及以他物傷輕者限二十日金刃及湯火傷者限三十日餘限各十日折跌肢體及破骨斷筋者無庸手屈傷者限五十日餘限二十日或平復或成癩或身死或因傷不固傷分別正限內外論罪照一日九十六刻扣限聲明大建小建時刻

例載凡遇有鬪毆傷重不能動履之人聞報即行帶領仵作驗看不許扛抬赴驗

例載正印官親詣驗看外其離城窩遠之區及繁冗州縣委係

例按簡明

不能逐起驢看許委任武巡捕等官驗報仍聽印官定限保辜

謀殺傷不准保辜過失傷不責保辜又例載毆大功以下尊長雖死於餘限外不論報辜夾簽聲明

人命

比勘問謀殺人犯果有詭計陰謀者方以道意論斬助毆傷辜者方以加功論絞謀而已行人賍現獲者方與強盜同罪得據一言為造謀指助勢為加功坐虛賍為得財一概處死致傷多命

凡同謀共毆人犯除下手擬絞外必實保辜違者首禍之人方以

原謀擬流毆有重傷而又持有兇器者方合例發遣其但會與謀而未追意並有重傷而無兇器有兇器而無重傷者毋得概擬流戍

注臨時有意欲殺非人所知曰故斃注曰若先前有意不在臨時則是獨謀於心矣若欲殺之意有人得知則是共謀於人矣臨時為鬪毆其毆之時也故殺之心必起於毆時故殺之事即在於毆內凡審故殺情節關鍵盡於此數語

故殺注謂以堪殺人之事為戲如比較拳棍之類此語最明若非以堪殺人之事則為過失殺矣

誤殺中分謀故毆又分凡人親屬尊長卑幼

例按簡明

過失殺注耳目所不及思慮所不到二語最要即如下文彈射磚瓦等尚非可以一概論也

弓箭傷人問是否城市及有人居住其放彈投擲磚瓦鳥槍等亦如之

車馬殺傷人問是否街市鎮店或鄉村曠野及因公急馳庸醫殺人問是否故違本方

窩弓殺人問是否樹立竿索

以上各條分謀鬪故戲誤過六項雖人命情節變態百出而大約不出乎此此外則有窮兇極惡如殺一家非死罪三人及三人以上者支解人者又有妖術殺人如採生折割造畜

蠱毒者事非常事另著於篇其同是人命別有七色者亦另著於篇

人命

凡殺一家非死罪三人必係謀殺故殺及放火行盜而殺者乃照律凌遲若係鬪殺其毆另看例定各條 一家注謂同居雖奴婢僱工人皆是或不同居果係本宗五服至親亦是非死罪注加竇犯二字則如准盜准枉法者亦不論也

肢解人當照例問係殺前殺乾若係殺後是否欲求避罪割碎棄藏抑係勢力不遂凌遲處斬之分極宜詳慎

採生折割造畜蠱毒者當究其方術得自何人同學引進何人例按簡明

四

自己得後又會傳授何人方術如何煉製試過幾次害過幾人雖蠱毒不必殺人亦斬亦須嚴究明確

人命

威逼人致死須看注中威之氣餒難當逼之窘迫難受二句情節但此最不易引重則可以引光棍惡棍等例輕則可以酌擬不應其有別項情節如索詐則引恐嚇誣職則引誣告又各有本條不得用此蓋此條以其人命則情重而罪止滿杖則法輕故須善酌 因竊盜而威逼人致死其強姦未成但經調戲一闕穢語各條並載例內而因盜則亦最難引此盜字是竊盜無強盜

威力制縛拷打監禁人因而致死威力主使毆打人致死制縛必實係一時逞忿並無欲殺之心方合律主使必實有可畏之威有不從之勢方可坐為首與同謀共毆不同 罪人已就拘執而擅殺罪人不拒捕而擅殺分別罪應死不應死 擅殺罪人不論謀故均以鬪毆殺論謀殺者其為從加功依餘人論

強盜

凡盜案報到即會營往勘係城中或係鄉村營汛遠近有無鄰居事主住屋幾間坐落方向從何處入門何處搜賊何處出去或係明火執杖撞門毀戶抑係踰牆墜壁臨時驚覺行強

例按簡明

五

入室幾人曾否塗面如何言語禁嚇有無捆縛毆打初時事主可曾喊叫鄰右可曾聞聲去時可曾挾架事主道路可曾遺有器械油搶取供估賊勒緝通詳

例載事主失單如繁多一時失記准於五日內續報

凡強盜不許捕官私行審訊不許捕役私拷初審時即先驗有無傷痕於招內開明並無私拷傷痕字樣 強盜問有無父兄伯叔與弟同居及有無知情分贓 竊盜與窩主 皆同禁約例

盜以賍獲為定贓以事主確認為定最關緊要最防捕役囑令混認其弊非輕例載起贓須差委捕員眼同起認不可使捕役私起以滋諸弊也

凡盜犯到案審實先將各犯家產封記俟題結之日變賣贖贖
或無家產及外來人無從封記者將案犯及醫家有家產者
賠本身外或有餘剩概行變價代賠

凡事主報盜只許到官聽審一次認贓一次所認贓即給主釋
回不許往返拖累

凡獲盜有供出他省犯劫者研訊明確毋庸解往贛審有例如
果有贓迹未明夥盜待質必須解往者亦有例竊盜另例亦同

州縣印官公出遇有失事佐貳捕官一面會同泚弁查驗緝捕
一面申請鄰邑印官覆驗申報

凡問強盜固不得有心姑息曲爲開脫但一字差出駢首就戮
例按簡明

預謀行強者不足惜其臨時行強者倘非有強形顯者要當
有求其生而不得之心乾隆二十五年湖南段乃香案言語
禁嚇似強而縛猪情形仍竊乾隆二十一年浙江羅三案臨
去據言近於暗進明出而嚇禁由於畏追逃逸並未拒捕但
有一練卽屬生機又如乾隆六年江西胡廷秀案指駁入細
不料強劫而科搶奪皆可類推也

搶奪
搶奪之案與強劫相似人少而無兇器搶奪也人多而有兇器
強劫也然亦不可拘泥有人少而有兇器爲強劫者有人多
而無兇器爲搶奪者總以情形爲憑不在人多入少

例載在白晝爲搶奪在夜間爲竊盜在途截搶者雖昏夜仍同
搶奪止去白晝二字纂注曰謂搶奪必在白晝可也謂凡在
白晝者皆係搶奪不可也合此諸說參之

竊盜
凡竊盜須驗有無刺字三犯竊盜須查犯後曾否遇赦其得
免併計後再犯各條載新例

凡竊盜五十兩以上州縣同捕官帶同捕役搜驗四十兩以
下捕官帶同捕役前往搜驗

竊盜須以一主爲重若一家內有兩家之物一船內有數人之
物客店內有眾客商之物均作一主論臨時行強臨時拒捕

例按簡明
只分在得財前後拒捕各自殺傷各自主當各盡本法不得
分首從論

窩家

凡窩主自當嚴辦以清盜賊之源但今人以容留卽爲窩主非
也例載有窩主窩藏之別必須審有造意共謀實情方以窩
主論斬若止是勾引容留往來住宿並無造意共謀情狀但
得以窩藏例發遣毋得又致概坐其存留幾人並載例內
竊盜窩主當統計各主贓科罪不得照竊盜以一主爲重
放火

放火不外謀財挾讐一端謀財必有人助同搶奪其事易明挾

警必獨自懸跡潛踪其情難見然而當獲物者火未必定由伊起而若觀漏網者反係巨兇情罪至重不可不慎律注須放火處捕獲有顯跡證驗明白者乃坐顯跡謂如硫磺紙搽引火柴草之類證驗如火起之初實有多人共見其在旁引燒遇人始行逃去者或其謀有漏洩者之類

律中首載放火故燒自己房屋此語嚮笑之甚如果自燒則又必有別故自當另擬矣熟思皆無一可通自不必為律迴護失火例載典商一條此放火自燒中所有情弊所謂當另擬者也

發塚

例按簡明

發塚律分見棺見屍例分一次二次至三次以上並糾眾索財取贖各條又新增發塚見棺鏹縫鑿孔抽取衣物並非顯露屍身一條按此轉注所言見字去聲顯也露也必開露方坐本罪假如發而未至棺僅於穴旁去指大一磚便可窺見棺柳卽坐見棺柳之罪乎今例正合

殘毀棄失移屍並載發塚律內轉注曰凡人發塚之罪重於毀棄親屬毀棄之罪重於發塚

夫囚

劫囚者變自外入反獄者變自內出劫囚不須得囚但劫卽坐反獄以打開監門殺傷卒為據雖未逃出亦坐脫監者同

門出越獄者踰垣出此二者所謂主守不覺矣囚也若反監罪減若劫囚罪免

劫囚兼途中曰私竊放囚者非劫也既曰打奪則似與劫同而又立中途打奪一條何也凡罪人已經到官科訛拘禁曰囚其犯事尚未到官初就捕者則曰罪人罪人者重輕未可定之詞也其追徵錢糧勾攝公事則並不必其有罪者也故其事與劫囚不同而其聚眾則可惡故特立此條不然則罪人拒捕與拒毆追緝人已各有律何須此條

已就勾捕則為奪未就勾捕則為拒注云不於中途在家打奪是雖來捕而尙未捕去然或已有拘繫將行情形則打奪尙

例按簡明

九

有可通至云打奪之人卽係所勾捕之人以己奪已於奪何居引用當酌

賭博

凡賭博間係偶然聚會有無經旬累月開場放頭聚集無賴各情形並說明賭具來歷賭具例尤嚴 窩賭家之兩鄰容留造置賭具之房主並有例

例載凡無賴之徒及生監衙役兵丁窩頓流氓土妓引誘局騙及得受窩頓娼妓之家財物挺身架護者照窩賭例治罪又按官吏宿娼杖六十而民人宿娼律無明文或謂窩從杖六十上量減為此當是不應輕

誘拐

凡誘拐之案當分是誘和誘者。其所不知和者因其情願或先被哄騙事出不得已而始行曲從則方畧已行即不得謂之和誘矣。所誘者不論良人奴婢不論已賣未賣但誘取已行即坐何人同謀何人窩頓牙保買主是否知情婦人有無先後姦情幼孩有無施用藥術十歲以下離和同辱收留迷失及在逃子女與此不同者彼乃有因而獲之義也所當參看者譬如因入迷路而誑引相隨乘人離德而誘引出外則即是是誘和誘矣

私鑄

例按簡明
凡私鑄分別銅錢鉛錢數在十千以上或不及十千而私鑄不止一次或甫經安爐設碓製造錢模尚未開鑄分別首犯與匠人及為從實使受僱並房主鄰石等定罪
私銷重於私鑄凡擎獲案犯必先嚴究有無銷毀動邊情事
剪邊尚米私銷照私銷例量減乾隆三十年案

私鹽

私鹽例凡事獲止理現獲人鹽如獲鹽不獲人不追獲人不獲鹽不坐此律重誣扳單縱毋枉之意輯注曰如私鹽人多應捕人少當據止獲一人餘者獲鹽遁去不得捕獲人不獲鹽不獲人如獲鹽之犯供出同販脫逃姓名及至捕獲供證明

白豈得謂獲鹽不獲人不追又如同販拒捕下手殺傷人脫逃未獲有顯迹者仍須追究豈可使兇徒漏網乎就律而酌以情理不可拘執

凡管理鹽務及有巡緝私鹽之責文武各衙門巡獲私鹽即發有司歸勘各衙門不許擅問

私雕假印

偽造印信分雕刻描摹造成造而未成已行使未行使係關軍機竅以假官諸弊抑止圖騙財為數無多凡不及十兩十千為無多凡篆文模糊不全者即造而未成也
詐為文書重在盜用印信不在有無押字蓋文書罪印信不能

例按簡明

行也例極明白 非盜用則偽造矣兩條相為表裏

犯姦

凡犯姦曰和姦曰刁姦曰強姦曰輪姦曰縱姦曰賣姦曰拒姦
曰捉姦曰殺姦曰調姦和姦問有夫無夫刁姦不論強姦有已成有未成有強合而和成有雖和以強論刁姦無強輪姦無和輪姦亦分刁姦而刁姦者仍分悔過縱姦與賣姦相同而有異縱姦男婦皆屬同心賣姦婦女或由抑勒拒姦或先和而後拒問確由愧悔而拒准拒抑有別故而拒不得以拒論捉姦有得捉有不得捉得捉之入不肯即得捉之入得捉仍問登時問姦所或止殺一人各有例調姦分手足為引證

語調戲其致死則另有律

凡親屬相姦皆不分尊卑長幼彼此罪等

凡婦女犯姦到案和姦孽由自作其強姦者有部議云或鄰右聞聲救護或奪下衣帽或當時擊獲或聲喊逃跑之時有人見聞多有確據者原不必本婦到官斯亦仁厚之一端也

犯贓

凡科贓有枉法贓有不枉法贓有虛贓坐贓有竊盜贓有監守自盜常人倉廩錢糧盜贓有併贓論罪有通算全科有通算折半科凡併贓止計一主為重一主不一次皆併計然亦有統合各主而併計併贓者不計入已通算者計入已惟各已

例按簡明

主

入己故無首從可分不計入己故仍分首從然而監守常人既併贓仍不分首從枉不枉不專指有祿人坐贓無枉虛贓仍論枉不枉不因事曰坐贓不入己曰虛贓坐贓亦曰虛贓亦曰坐同不同竊盜贓凡稱准稱以者皆併計枉法重在贓然而所枉法重於所計贓則計罪不計贓此其大較也贓滿罪止枉法滿八十兩不枉法滿一百二十兩坐贓滿五百兩竊盜滿贓亦一百二十兩三犯律不計贓例定五十兩監守盜律滿四十兩罪止例至一千兩以上乃止常人盜律滿八十兩罪止例止一百兩以上乃止凡贓之起不必兩

誣告

凡誣告者全誣全抵無剩罪或誣輕為重或二事以上輕實重虛乃有剩罪已決全抵未決折杖其有例該罪止律從一科斷者雖誣亦免若告三人一人實二人虛雖輕不免大要律重全誣尤嚴致死故有加二等加三等斷財產之條但若輕者得實即已非盡無因故剩罪止於杖一百餘皆收贖也其罪名則以所誣為定律惟載實封彈事罪囚冤枉二條例載有屍遺蒸檢捕役誣良姦徒串結衙門棍徒聲言暴告以及舉首詩文捏造姦賊寫揭字帖編造歌謠挾讐誣蟻以致自盡等條皆其大端不同剩罪又律載誣人而人反誣亦可謂極情偽之變

例按簡明

主

教唆詞訟誣告之源也例載地方官不能查拏禁緝失於覺察照例議處若明知不報經上司訪拏將地方官照奸棍不行查拏例交部議處

原告告而輒逃並無疾病事故兩月不到案聽審即將所誣人等釋放不與審理專拏治原告作誣有例

囚禁

凡徒罪以上應禁婦人犯死罪及犯實發不准收贖者禁凡竊賊無論罪名輕重皆收禁官犯公私罪軍民輕罪老幼癡疾皆散禁

凡侵欺錢糧至二千兩以上挪移錢糧至五千兩以上者鎖禁

監追其俊欺在一千兩以下挪移不及五千兩者散禁看守
凡遞回原籍人犯如係奉 特旨及犯徒罪以上援免解交

地方官管束之犯經過州縣仍照例收監外其笞杖等輕罪
遞回安插者承審衙門於遞解票內註明不應收監字樣前
途接遞州縣即差役押交坊店歇宿取其收管

凡解審軍流以上人犯令各州縣酌量地方情形如有相距在
五十里以外不及收監者先期撥役傳齊地保知會汛兵支
更巡邏

凡州縣自理之案不得擅用夾訊其申報事件有曾經夾訊者
將來訊幾次或未會夾訊之處於招冊內據實聲明上司於

例按簡明

五

解訊時察驗至佐貳奉上司批審有應夾訊者許請改委印
官審理若係印官批發者呈請印官掣回自審違例用者參
處

凡強盜十惡謀故殺重犯用鐵鎖扭錄各三道其餘關駁人命
等案罪犯以及軍流徒罪等犯止用鐵鎖扭錄各一道笞杖
等犯止用鐵鎖一道

凡部發遞解及外省解部並解別省軍流徒罪發回安插人犯
預差官員務選有家業正役解送如人犯中途患病者原解
取結方免議處即報明所在官司驗明出結卽着該地方留
養候病痊愈起解仍將患病日期報部

凡徒罪以下人犯患病者獄官報明驗看器具的保保出調治
其外解人犯無人保出令其散處外監調治若病斃督撫題
報將本犯所犯何罪名所患病症及有無凌虐會否保釋逐
一聲明

凡軍流徒罪以奉文日為始定限兩個月起解如實係患病亦
不得過一百日限

凡獲犯到案並解審發回之時當堂細加搜檢有無夾帶金及
等物並嚴禁禁卒不許將磚石樹木銅鐵器之類混行取入
如有買酒入監者將禁卒嚴行責治

凡挈獲越獄人犯務究與剃頭並代為銷毀刺字之人
例按簡明

五

凡鄰省遞籍人犯一面發遣一面關會原籍並知照經過地方
官無論長解短解遵例加差轉遞

捕緝

凡脫逃要犯務將該犯年貌籍貫有無齷齪詳細開明行文通
緝各州縣於文到之日差捕認緝一面填寫印票分給各鄉
總甲訪察如果無踪年底取結轉詳咨部

凡廣緝重犯不得濫給緝票先將該犯年貌案由並差役年貌
籍貫及所差名數一面詳明督撫知照各該省一面改用通
關給與差役攜帶在身密行偵緝如有踪跡卽將通關呈報
地方官添差拏解如緝無踪跡仍投換回文以為憑驗毋任

差人僱情白役代緝以及藉端勒索諸弊

凡逃回原籍之軍流人犯本籍地方官於咨緝文到日即傳該犯親屬鄰保人等逐一審問根由下落如果未逃回即取確

實供結詳咨送刑部及配所省分存案仍不時偵緝

凡交界地方失事探實賊盜之處無論隔縣隔府隔省一面差

役拘執印票即行密拏一面移文關會拏獲之後仍報明地

方官添差移解其一應竊匪窩賭窩娼等類有竄入鄰境者

亦照此例辦理 若係尋常對質人犯則須關會地方添差

不得用此例拏

凡鄰縣關提人犯限文到二十日學解若逾限不發議處若聽

例按簡明

信地保差役捏稱並無其人並久經出外空文回覆搗不發

人者議處 凡關提日月通報各上司稽考如履關不到者

稟請本上司行關移督發

命盜審限

凡尋常命案限六個月盜及情重命案奉部事件並搶奪發

掘墳墓及一切雜案俱定限四個月其限六個月者州縣三

個月解府州府州一個月解司司一個月解督撫督撫一個

月咨題其限四個月者州縣兩個月解府州府州二十日解

司司二十日解督撫督撫二十日咨題如案內正犯及要證

未獲情事未得確實者題明展限按察司自理事件限一個

月完結府州縣自理事件俱限二十日審結上司批審事件

限一個月審報若隔屬提人及行查者以人文到日起限遲

延察參

凡承審命盜及奉部事件至限滿不結督撫照例咨部即於限

滿之日截算二參再限四個月仍令州縣兩個月解府州府

州臬司督撫各分限二十日如逾限不結督撫將易結不結

情由題參至承審官內有升任革職降調及因公他往委員

接審者如前官承審未及一月者准其按審過日期展扣一

月以上離任者准其展限一個月分限三個月兩個月事件

前官承審應限過半離任者准其扣半加展如前官於二參

例按簡明

限內離任者接任官准其以到任之日起無論六個月四個月

月事件俱扣限四個月審結至原問官審問未當及犯供翻

異情節督撫另委賢員或會同原問官審理委審之員扣限

一個月該管各上司亦統限一個月核辦具題總以兩個月

完結如承審官借端掩飾不速結者督撫題參如下屬已經

解審混行駁飭以致承審官違限並知屬官例限將滿備端

故為派委希圖展限者一併交部議處

凡盜案獲犯到官無論尚夥緝獲幾名如供證確鑿匪跡顯明

者一經獲犯限四個月完結如果虛實情形未分盜匪未確

限內不能完結者承審官立即據實詳報逐細聲明該管上

司核明預行咨部准其展限兩個月審結倘承審官有將易結之盜案濫請展限督撫漫為咨部者並交部議處

凡卑幼擅殺期功尊長及鬪下人妻妾奴婢謀故等案承審官限一月內審解府司督撫各限十日審轉具題如州縣於正限屆滿尚未審結即于限滿之日接扣二參限期州縣限二十日府司督撫仍各限十日完結如有遲延分別初參二參照例議處至殺死三命四命之案請督撫即提至省城督同速辦其限期悉照殺期功尊長之例

凡審理命盜欽部事件及一切雜案內有餘犯到案因正犯及要證未獲情詞未得或盜獲賊犯究出多案事主未會認贖

例按簡明

六

必須等候方可審擬或因隔省行查限內實難完結者承審官將此等情由預行申詳督撫分別題咨展限若正犯要證及盜竊案內首從人犯已經到案尚有餘犯未獲者即將現獲之犯據情研審按限完結不得藉詞展限亦不得延至日久應就現犯審結之日起限若承審期內遇有續獲之犯如到案在州縣分限以內者即行一併審擬毋庸另展限期如到案已在州縣分限以外不能併案審擬者將續獲人犯另行展案扣限四個月完結如間有獲犯到案時在州縣分限將滿者亦不得逾違統限如該上司不遵定例嚴加查核聽其捏詞扣展者均議處

凡獄獄時令招房書吏照供錄寫當堂讀與兩造兵聽果與所供無異方令該犯畫供有司親自定稿不得假手胥吏致滋出入情弊如有司將供輒交經承致有增刪改易者許被害

人首告題參

例按簡明

九

學治述畧

靈石何耿繩詳

一到任接收庫項照前任移交存庫銀錢及賬冊雜款冊簿親帶該房逐細查檢如有不符惟該房是問

一飭該房查開前任在任若干年月每年應徵地丁正耗旗租銀若干兩除已徵若干兩餘即民欠實數再查歷年經徵地丁正耗旗租銀若干兩除各本年坐支應扣若干兩如遺祀官員廉俸各役工食驛馬草料之類似在錢糧耗項下坐支已批解司庫銀若干兩現存貯庫銀若干兩餘即官虧實數查明飭該房具結開明某任實在並無虧短或實在虧短地丁正耗旗租銀若干兩

學治述畧

平

如有隱漏情願認賠甘結畫押存內雜稅項下亦照此辦理
一飭該房查開本縣應存倉谷若干石除某任某年奉文某項支發若干石某任某年報明買補若干石仍應存倉若干石除現存若干石餘即官虧實數如某任報買未買現存穀價在庫亦可作抵查明確數即飭該房具結開明某任實在並無虧短或實在虧短倉穀若干石如有隱漏情願認賠甘結畫押存內

一通飭各房查開經管院司道府各衙門按年按季按月應撥捐某項銀若干兩每年共應攤捐銀若干兩某任某年已解銀若干兩查明確數即飭該管各房公具某任內實在欠解

攤捐銀兩逐款開明共若干兩如有隱漏情願認賠甘結畫押存內

一飭各房將每年某衙門某項應攤捐銀兩逐細開單如某項每年應攤銀三百六十兩則每季應攤九十兩每月應攤三十兩每日應攤銀一兩之類並將每年共應攤捐銀若干兩亦按每季月日分晰開明如每年統共應攤捐銀一千二百兩則每季三百每月一百每日三兩三分之類在任若干月日應攤若干兩自可稽無須卸事後查款核算致淆亂不清
一飭該房查開本縣每年應徵地糧正耗銀兩若干兩或收銀或收錢或銀錢兩便或因大戶小戶分收如三錢以上收銀三錢以下收

學治述畧

平

錢之如係收錢每兩正耗共收大錢若干兩所有傾鎔火價添類
一徵收錢糧拆封宜勤或三日或五日照流水核算徵存在糧數目令該房檢齊送內或銀或錢核明正耗實數令明白親信之人眼同貯庫鑰匙存內飭該管吏役小心看守或有應支各款或批解司庫應行動用之時照領照批開庫支發或先提半年支款存內支發另簿存記以免開庫煩瑣但勿牽混私用致款項不清

一發各款如教職捕廳俸銀生員廩銀俱按季據領支發平

色須足至者役工食等項查照向例發給但不可按季全發務多留有餘以備軍案差差陸續借支之用緣此項如額外墊發雖入交代後任不認也再捕廳多有因案停俸者必須查明倘有冒領開入支款後任亦不認也總之支發各款不得據領印發先令該管房查送閱看前任如何支發照例辦理自不至有冒領浮支之弊

一每月應放孤貧米石若干應捐禁卒更夫等役米石若干或動倉穀碾放或係採買支發飭該房查開照前核辦但應捐米石動用倉穀交代時作價歸入應交項下以便買補還倉一攤捐款中有急須批解者或解一半或解半年另簿存記如

學治述畧

三

屬可緩且可不解倘奉文催或先申復印日籌款批解亦可斷不可動正項而解捐款緣正項有虧分釐均干參處捐款欠解尚無妨礙

一飭該房查開移交監禁人犯若干名捕班看管賊犯若干名各班外保候訊人證若干名每人名下開明案由親臨點查如有私押私放即將該管吏役重責示警監犯中如有有案未報及已報未經招解者查明限期寬察次第奮提報解至賊犯有案情輕微而束餓不堪者勿令在押待斃宜速傳親屬地方保領管束或係都封關到者備文返回取保至外押人犯有案關重大者仍押令候訊其無關緊要者即傳案訊

釋或一時不能傳集即取具連環的保候傳緣無辜被押倘因舉病或他故致斃或另滋事端諸多不便此三處須派親信安人每晚按簿查點勿令人數多寡不符

一放告收呈送幕擬批除命盜及有舊案者准理外其情節支離者批駁不准至戶婚田土錢債細故酌其情同姓者或先批族長親鄰查覆異姓者或先批約地及呈內中證查覆其中處息必多可免拖累或幕友意見不合不妨懸商如自信真確而幕友拘執只可我用我法至堂上審斷又當隨機應變不必拘泥前批執定成見也

學治述畧

三

一自盡命案無關罪名者即屍親輪服亦須限內詳報以防日後翻控幕友往往偷懶不肯即詳務須隨時稽查催辦

一坐堂審理詞訟刑杖最宜檢點舞弊書差及滋事棍徒強橫賊犯宜用頭號重責以警凶頑至尋常發落只須二號示戒而已其衣冠人士老實鄉民勿輕易用刑以全廉耻再行杖時皂役下手輕重不一有得則輕不遂則重勿拘定數重者減而輕者加在臨時斟酌

一到任或衙署或公館自大門以內前後俱要親身查看如有便門缺口務須堵築臨街矮牆務須築高非以防外之入所以防內之出也司關者須老成歷練之人官給門房諭帖凡署內家人非官差不許任意出入如有阻之不聽者回明逐

出司闈者聽情不阻查出情弊即官親事交出門拜客亦須問明稟知蓋衙署隨處有弊無內應則不行即茶房門子非坐堂會客不可令入宅門緣書差往往以茶房為耳目官幕之一言一動外人無不周知撞騙招搖多由於此不可不慎擇而嚴防之也

一同城同寅如兩學武弁捕鷹皆吾羽翼要以誠意相通則皆為吾用倘遇不醇之輩但須自立城府不可外露鋒芒蓋善者以吾為倚界不善者即以吾為魚肉我有隙而後議彌則已晚矣彼既發而後思禦則無及矣至捕鷹尤為親密要稜明為我用而不至暗中用我則公事一切可得共濟和衷之

學治述畧

益

一紳士為一方領袖官之毀譽多以若輩為轉移採其行端望重者偶一俯交下問便覺正氣隆重人知嚮方再為觀風月課整飭斯文則眾口成碑官澤日起宵小之徒氣類蕭索自除消無數禍端矣

一書差為官之爪牙一日不可無一事不能少然欲如指臂應使非嚴以馭之不可蓋此輩止知為利不知感恩官寬則縱欲而行官嚴則畏威而止機在到任之初察其有心玩誤者重責以示警必責以示信則眾心震懾不敢以身試法矣

一稿案判行差票過硃斷不可假手於人雖至親好友亦不容

少為通融非謂權不下移謂親友可假則無人不可假而門印書差可以生心作偽矣又差票案情不一或按班輪差或因人器使一出官手人無間言假手於人必多物議蓋實有串通門印行求差票者不可不預防其弊也

一做官止辦事理財一端辦事難而易理財易而難蓋辦事在用心心用而無窮理財在用錢錢用而有盡稍一疎忽則虧缺立見矣須令一年之入籌一年之出某項應用若干某項應用若干通盤計算不敷則設法樽節以期定用由年而分之月由月而分之日先為之極而不使過則章程定矣然後日有日總月有月總年有年總有餘無餘有虧無虧隨時可

學治述畧

益

按簿而稽即不至有餘或可無虧即不免有虧亦不至大累今之虧缺熟蠱者由於先不自知非不知也知其入而不知其出也既虧而悔已無及矣此理財之所以難也

一賬房為銀錢出入總彙之地最要綜理得人第一款項要清存庫銀錢有簿提庫批解銀錢有簿支發俸工有簿支發一切雜款有簿至私項出入亦分類登記而統入流水俾總入總出每日有數則有餘有虧按簿可稽矣管賬人於每日總結後將賬送官逐項覆看於總結處戳用圖記發還倘出入有應商之處或標籤或面商從長核實可也

一分派家人執事要各因其才用違其才必至僨事門印為最

要非明白人不可擗誠實廉事者經手稿案交移等件門印
各得一人足矣餘則在門上者管理會客或查監獄押犯等
事在印上者帶同簽押用印至一切奔走外差因人而使不
必拘定責任也

學治地事

美

